

Nag-unang Sinemanang Magasin Sa Binisaya

# Bisaya

Marso 13, 2019

Karon,  
Available na sa  
National Bookstores  
ug Merriam &  
Webster Bookstores  
Nationwide!

## Mga Sugilanon:

### Ang Baso Wala Nay Sulod

Ni Marcel Navarra

### Sulog

Ni Jovanie B. Garay

## Artikulo

### Dalagang Nagkinaugalingon Sa Agribusiness

Ni Zac B. Sarian

## Balak Sa Semana

### Lili

Ni Nits B. Beronilla



# KAREN GALLMAN

# Karen Gallman:

## Unang Pinay nga Nakoronahang Miss Intercontinental

**N**IADTONG Subsado, Enero 26 sa SM Mall of Asia Arena sa Pasay City, gikulit ni Karen Juanita Bayonas Gallman ang kasaysayan human niya makuha ang korona sa Miss Intercontinental 2018. Siya ang unang Pilipina nga nakoronahan sa 47-ka-tuig nga nanglungat ang maong *beauty contest*.

Sa dibang gipangutana ang 26-anyos nga garbo sa Bohol kon unsay paghulagway niya sa kalampunan, matod niya ang kining taran naglambigit sa paghimo og mga tumong ug maningkamot sa pagtrabaho aron kini makab-ot.

Ang pilosopiya ni Karen dili malalis. Ug ang tubag niya sa *Q&A portion*, naghatag og kasayon sa dalan aron makab-ot niya ang kutaagan.

*"For me, success is not just about winning in life. It is about setting goals, achieving your dreams, working hard for everything you want, and always looking up to God and be thankful for everything. For me, that is success,"* matod pa ni Gallman.

Sa maong kadaogan, gisapawan niya ang mga kandidata sa Costa Rica ug Slovak Republic nga kauban niya sa Top 3.

Si Karen Gallman nga nakoronahan nga Miss Ubay 2007, gipanganak sa Barangay Fatima sa Ubay, Bohol niadtong Setyembre 27, 1992 sa magtiayong Gayin William Gallman, usa ka retiradong sundawong Awstralyano ug ni Editha Bayonas sa Ubay. Ang mga adlaw sa linghod niyang kaisipan nagahin niya sa Barangay Bood, Ubay, Bohol ayha pa sila ming-navigate sa Australia sa pag-edad niyang walo.

Bisan og didto na sila nagpuyo sa Brisbane, Australia, padayon siyang gitudloan sa iyang inahan sa paglitok sa Binisaya ug hangpon ang mga pamaagi sa kinabuhi ug kultura sa mga Bol-anon. Sa iyang pag-eskula didto, natapos niya ang kursong Business Management sa Queensland University.

Sa unang higayon, miapil siya sa Binibining Pilipinas niadtong 2012 sa edad nga 19 ug nakasulod siya sa Top 12 ug nakakubag titulo isip Miss Photogenic sa ilang *batch*.

Sa wala pa siya mobalik og apil sa Bb. Pilipinas 2018, diin nakuba ni Catriona Gray ang korona sa Miss Universe, nagtrabaho siya isip *operations analyst* sa usa ka kompaniya sa London sulod sa duha ka tuig.


Sa *Miss Intercontinental beauty contest*, nakigkompetensiya si Karen sa kapin sa 80 ka maanyag nga mga delegado sa naglalainlaing nasod sa kalibotan. Nakuba niya ang Standout

Beauty ug Media Favorite awards sa panahon sa Press Presentation ug ang *Body Beautiful award* sa swimsuit and evening gown preliminaries.

Sa tulo ka espesyal nga *award* nga iyang gihawiran, usa siya sa mga paborito nga kandidata sa *Miss Intercontinental crown*, nga idlas kaayo alang ni 1st Runner Up Katarina Rodriguez sa miaging tuig ug Christl Lynn Mc Garry sa 2015.

Ug wa masayop ang *pageant pundits*, nakuba ni Karen Gallman ang korona sa Miss Intercontinental apil na ang pag-ila niya nga "Queen of Asia and Oceania".

Ning iyang pagdala sa korona ug paglaman sa mga buluhitan nga isangon kaniya isip Miss Intercontinental 2018, gisaad sa dalaga nga padayon niyang isangyayaw ang iyang adbo-kasiya nga mapanswag ang *compulsory* nga edukasyon sa kabankahan sa Pilipinas.—**2**



# JAMES REID Hilom nga Nagsaulog sa Ilang 3rd Anniversary ug NADINE LUSTRE

## ShowbizTsika

NI HIMAYA DAGOHY

**H**APPY karon ang *young showbiz couple*. Gisaulog nila ni James Reid, 25, ug Nadine Lustre, 25, ang ilang *3rd anniversary* (Pebrero 11) isip manag-uyab sa usa ka *private resort* nga gitawag og The Farm sa San Benito, Lipa, Batangas.

Ang The Farm usa ka *48-hectare resort* nga haom sa *nature-lovers* ug sa mga nangita og *holistic healing*.

Yano lang ang *anniversary greeting* ni Nadine ngadto sa *boyfriend* via *Instagram*. Gi-share ni Nadine ang hulagway ni James nga gipatabanag mensaheng "bysm @james [heart emoji]" o *I love you so, so much*.

Ug mibalos sab si James pag-post sa hulagway ni Nadine nga didto kuhaa sa *man-made falls* sa naasoyng resort diin ang *young caption* ni James nagkanayon, "HEALING [heart emoji]".

Pipila sa mga aktibidad nga ilang gihimo sa resort mao ang pagpangaligo sa *pool* nga gipalutawan og *flower petals*, pagkaon og *healthy dishes* nga gitanyag sa resort ug yano nga pagpahulay *communing with nature*.—**2**



## "DESCENDANTS OF THE SUN" REMAKE, IPAGAWAS SA GMA-7 KARONG TUIGA

**H**UMAN sa tulo ka tuig nga gipahibalo sa Kapuso Network nga maghimo og *remake* sa Koreanovela nga "Descendants of the Sun", mahinayon na gyod kini ug aron nga ipagawas karong 2019.

Gibutyag ni GMA Vice President for Entertainment Lilybeth Rasonable nga ang nagmugna sa DOTS nga KBS Drama Production, mihatag na og pagtugot sa Kapuso Network nga pun-an og *Filipino element* ang *remake version* aron moaon sa *Philippine setting*.

Kamulo pa karon nga gisulat ang *script* ug medyo taas-taas pa kuno ang proseso kay *every now and then mo-coordinate* sila sa tag-iya sa *franchise*. Apan ang nakanindot niini kay bisan og sundon nila ang kalag sa estorya, na silay gamayng kahigayonan nga malikoy kini aron moaon sa kultura sa nasod. Simple ra kuno kini apan dunay daghang dagkong esena.

Kinsa kaha ang mga *cast* ning maong teleserye?

Segun sa pamahayag sa *GMA executive*, duna na silay gitarget nga maoy modala nga *lead stars* sa *Kapuso series* apan dili pa nila puydeyng ibutyag.

*"There are names but we cannot announce kasi wala pang desisyon, pinapa-approve naman lahat. Marumi namang worthy rin dito sa GMA na leading men and leading ladies but syempre, you want to make the right decision,"* pu'ng pa ni Ms. Rasonable.

Ang GMA nailhan nga tiglusad og bag-ong artista ngadto sa *stardom* pinaagi sa paghatag og mahinungdanong papel sa mga *remake* nga ilang ginahimo.

Kahinganlan dinhi sila si Barbie Forsteza sa "Stairway to Heaven" (2009), "Andrea Torres ug Mikael Daez sa "Sana Ay Ikaw Na Nga" (2012), Sanya Lopez sa "Encantadia" (2016), ug Gil Cuerva sa "My Love From The Star" (2017).

Mosunod kaha ang *remake* sa "Descendants of the Sun"? Ato ning masayran sa maabot nga mga adlaw.—**2**



Si Yhessa Dela Calzada nga subling miawit sa Kabataang Bag-ong Katilingban.



Si Yhessa Dela Calzada nga subling miawit sa Kabataang Bag-ong Katilingban.



Si Yhessa Dela Calzada uban sa komposer sa Kabataang Bag-ong Katilingban, Jade Castro.

# KISAW SA CEBU POP MUSIC FESTIVAL 2019

NI JOHN TAM. YBAÑEZ

**U**SA sa dagkong mga kalihokan nga gipahaom ug gihalad sa kasaulogan sa Pista Senyor sa Dakbayan sa Sugbo mao kining Cebu Pop Music Festival, ang tigi sa Binisayang mga awit nga giugba sa nagkadaiyang manulatay og kanta nga ipainterpret o ipaawit sa piniling mga mag-awit. Hinuon, naay uban nga ang tagsulat mismo ang mohatag og kinabuhi.

Ang ika-39 nga Cebu Pop Music Festival nga gipahigayon sa IEC Pavilion sa Pope John Paul II Ave. sa Barangay Mabolo niadtong Enero 18, 2019 nagtangag sa tulo ka kategoriya – ang Awit sa Paggakabana, Huni sa Kasingkasing ug Awit sa Gugma.

Sa Awit sa Paggakabana, nalangkit sa 9 anyos nga batang si Yhessa Dela Calzada ang tulo ka pasidungog sama sa People's Choice Award, Best Interpreter ug Grand Champion sa iyang pagkanta sa Kabataang Bag-ong Katilingban nga tinagig ni Jade Castro. Nahimuot ug

nakadayeg kaayo si Castro sa gipakitang katakos sa bata. Matod niya, duan na siyang nasayod nga mahatagan ni Dela Calzada og maayong interpretasyon ang maong awit human niya kini makita sa YouTube. Dako ang pagtuo ni Castro ug Dela Calzada nga gipanalanginan sila ni Senyor Santo Niño busa nagpasalamat kaayo sila sa Balaang Bata.

Ang Kabataang Bag-ong Katilingban nga gi-*arrange* ni Russell Alegado gihulagway nga makapadagig sa kabataan ug kabatan-onan sa pagpakabuhay nga ligdong ug hawa sa kahiwian isip paglaom sa nasod.

Sa natad sa Huni sa Kasingkasing, nasikpaw sa awit nga Hugot Pas Huot ang unang ganti. Ang maong kanta gisulat ni Magbabalak Adonis Durado inabagan ni Asser Dilao ug gi-*arrange* ni Jeff Escarda. Si Dilao nga usa pod sa ming-awit niini nagkanayon, “Wa gyod mi magtuo nga modaog kay ang diha sa among hunahuna mao lang ang pag-*perform*.” Kaduhawit ni Dilao sa Hugot Pas Huot si DJ Mae Dente.

Samtang sa kategoriyang Awit sa Gugma, nadughit ang unang dapit sa kantang Kon Pwede Lang nga gihatagan og kinabuhi ni Gerlyn Ville Abañon. Si Jesson Albaran, nga maoy gasuwat sa maong awit, miingon nga nagsilbi nilang motibasyon sa *festival* ang *hashtag silver linings* nga *common catch-phrase* ni 2018 Miss Universe Catriona Gray. Matod ni Albaran, “Bisag unsay mahitabo padayon lang gyod.” Sama sa Kabataang Bag-ong Katilingban, gi-*arrange* usab ang Kon Pwede Lang ni Russell Alegado.

Ang mga mananaog nagpasalamat kang Senyor Sto. Niño, sa ilang pamilya ug kahigalaan nga nagpakitag hugot nga suportra sa ilang pagsalmo sa indigay.

Dose ka *finalist* ang nagtigi sa ika-39 nga Cebu Pop Music Festival diin tagup-at sa matag kategoriya nga ilang gihalad sa Balaang Bata kansang pangilin gisaulog sa Enero 20, 2019. Ug sa mga *finalist*, tulo ang nakaangkon sa korona.

Si Gloria Villarojo, ang *event manager*, mipadayag nga dili masayon ang pag-ayag sa mga salmo nga ming-abot og 170 ka buok. Matod niya, milanat og dose oras ang pagpili sa napulog duha ka *finalist* niadtong Oktubre 7, 2018 sa University of the Visayas. Lakip sa mga minghasas sa mga *entry* mao sila si Britz Briones, Giron del Rosario, Baby Condono, Maria Donna Preciosa Bucalco, Jet Gonzales ug Sam Costanilla.

Gani, ni Villarojo pa, mahinamon siyang nagpaabot sa adlaw sa Cebu Pop kay iyang nakita nga sagad sa nangapil mga bag-ong nga n sa industriya. Matod ni Villarojo, “Lipay kaayo ta kay dunay mga batan-on nga nangapil ug duna poy bag-ong estilo sa kanta.”

Ang napulog duha ka *finalist* uban sa komposer mao kini: Kon Pwede Lang (Jesson Albaran), Adto Na Ko (Barry Villacarillo), Kita Na Lang (Winslet Rose Jacot) ug Kon

(Gipadayon sa panid 13)

# BABOY SA VIETNAM UG UBAN PANG NASOD GI'BAN' SA PILIPINAS

**TNBalita**

mga lihang mga nasodong balita

GUMIKAN sa balita nga adunay midagsang nga sakit sa baboy sa Vietnam, gidili na ang pagpasulod o pag-*import* og baboy ug sa mga produkto nga gikan sa baboy sa nahisgotang nasod.

Sumala pa ni Agriculture Secretary Manuel Piñol, ang Vietnam maoy labing ulahing nasod nga ang mga baboy gitakbayan og African Swine Fever (ASF).

Matod sab ni Piñol nga ang pag-*ban* sa karneng baboy ug uban pang *pork products* gikan sa Vietnam gihimo agad sa rekomendasyon ni Bureau of Animal Industry (BAI) Director Dr. Ronnie Domingo human nga nakasakmit ang mga awtoridad sa kanaat nga mga nasod og pinayuhot nga mga baboy nga giingong positibo sa ASF.

Gawas sa Vietnam ug Japan, gidili sab ang pagpasulod dinhi sa Pilipinas og mga karneng baboy ug uban pang *pork products* sa China, Hungary, Belgium, Latvia, Poland, Romania, Russia, Ukraine, Bulgaria, Czech Republic, Moldova, South Africa ug Zambia.

Sa report sa World Organization for Animal Health, ang ASF usa ka *severe viral disease* nga nakaapekto sa *domestic and wild pigs*. Hinuon, wala man maapektohi niini ang mga tawo. Ang Pilipinas nagpabiling luwas (*safe*) sa ASF.— **TNB**



## PDEA: Drug money mokatap sa election

GIKABALAK-AN nga mokatap ang daghang kuwarta sa panahon sa eleksiyon nga gamiton sa ubang mga politiko alang sa pagpamalit og boto. Kini sumala pa ni Philippine Drug Enforcement Agency (PDEA) Director General Aaron Aquino ug lagmit pa nga ang kuwartang gamiton sa pipila ka politiko gikan sa droga.

Matod gihapon ni Aquino, walay politiko nga mamalit og boto nga ang kuwarta gikan sa legal nga pangita ug hayon nga ang kuwarta maggikan sa korapsiyon o ba kaha sa ilegal nga droga busa desidido sila nga mangapod-apod og kuwarta.

Gipahayag kini ni Aquino human sa pagkadiskobre sa P245 milyones nga kantidad sa *shabu* sa usa ka balay sa Cavite dili pa lang dugay nga giingong gipanag-iya sa usa ka sindikato sa droga nga dugay nang gipanid-an sa PDEA.

Lahi sab kini sa sindikato nga gidulto nga maoy responsable sa pagpuyuhot og *shabu* dinhi sa nasod, kadtong gikataho nga gikarga sa *magnetic lifters*.

Kahinumdoman nga sa miaging eleksiyon sa barangay, adunay 200 ka *barangay officials* nga gipanghinganlan sa PDEA

nga nalambigit sa *illegal drug trade* aron dili na botaran sa mga botante.— **TNB**

